

**आकाशवाणी**

खास-खास खबरां:-

1. प्रधानमंत्री नरेन्द्र मोदी होरें आखेआ ऐ जे सुधार उन्दी सरकार आस्तै मजबूरी नैई सगुआ वचनबद्धता ऐ।
2. केन्द्रीय गृहमंत्री अमित शाह होरें पश्चिम बंगाल च भारत-बंगलादेश बन्नै पर बाड़ लाने आस्तै इक जहार 129 एकड़ जमीन देने लेई राज्य सरकार दी सराहना कीती।
3. भारत ते नेपाल ने बन्ने दे प्रबंधन ते सुरक्षा दे क्षेत्र च सहयोग मजबूत करने दी वचनबद्धता फीह पक्की कीती।
4. भारत दी अध्यक्षता च जयपुर च होई दी ब्रिक्स सैलसफा मंत्रिण दी बैठक च जयपुर घोषणा-पत्र सब्बनै दी सहमति कन्नै मंजूरी देने कन्नै सम्पन्न होई।
5. विश्व बैडमिंटन प्रतियोगिता च अज्ज भारत दी त्रिशा जॉली ते गायत्री गोपीचंद दी जोड़ा दा सामना चीन दी जोड़ी कन्नै होग।
6. ते FIH मर्दे दी हॉकी विश्व कप दे दुए गेड़ च अज्ज भारत दा सामना मेजबान नीदरलैंड कन्नै होग।

<><><><><><>

**PM –Reforms**

प्रधानमंत्री नरेन्द्र मोदी होरें आखेआ जे सुधार उन्दी सरकार आस्तै मजबूरी नैई सगुआ वचनबद्धता ऐ। उ'ने आखेआ जे सरकार दीयां नीतियां लोकें दी भलाई-बेहतरी- उ'दे हित ते मुख्य दे विकास गी ध्यान च रखियै बनाइयां जा'रदियां न। नमीं दिल्ली च Economic Times World Leaders Forum गी सम्बोधित करदे होई प्रधानमंत्री होरें आखेआ जे सरकार छड़ा नियम नैई बदला रदी- सगुआ नियम बनाने दी सोच बी बदला'रदी ऐ। उ'ने आखेआ जे भारत हुंन उत्पादक कन्नै जुड़ी दी प्रोत्साहन योजना PLI राण उद्योग ते रोजगार दे नमें मौके पैदा करा'रदा ऐ। प्रधानमंत्री होरें आखेआ जे वैश्विक स्तह पर संसाधन गी लेइए बददा तनाऽ ते मुख्य बंशकार अविश्वास नमियां चुनौतियां पैदा करा'रदा ऐ। एदे बावजूद भारत गी दुनिया च विकास ते मेद दी इक बड़ी किरण दे तौर पर दिक्खेआ जा'रदा ऐ। प्रधानमंत्री होरें भारत दी G-20 अध्यक्षता दे मंत्र “इक धरती- इक परोआर” ते इक भविष्य च जिक्र करदे होई आखेआ जे दुनिया दे सारे मुख्य दा भविष्य इक-दुए कन्नै जुड़े दा ऐ।



## HM Leaders -WB

केन्द्रीय गृह मंत्री अमिता शाह होरें पश्चिम बंगाल च भारत- बांगलादेश सीमा पर बाड़ लाने आस्तै सीमा सुरक्षा बल ते सशस्त्र सीमा बल दी इक जहार 129 एकड़ जमीन देने लेई राज्य सरकार दी सराहना कीती ऐ। सिलीगुड़ी च इक कार्यक्रम च शाह होरें आखेआ जे नमी सरकार बनने दे 45 दिने दे अंदर जमीन उपलब्ध करोआई गई- जिसले के एदी मंग बरे 2014 थमां बकाया ही। उ'नें आखेआ जे घुसपैठ गी रोकने ते मुख्य दी सुरक्षा आस्तै बन्ने पर बाड़ लाना जरूरी ऐ। उ'नें अवैध प्रवासियें दी पंछान- उनें'गी हटाने ते वापस भेजने दी कारवाई जारी रखने दी गल्ल आकखी। उ'नें आखेआ जे इस पेठा सरकार जरा बी नैई बरदाश्त करने आहली नीति पर चला रदी ऐ।



## India-Nepal

भारत ते नेपाल ने बन्ने दे प्रबंधन ते सुरक्षा दे खेतर च सैहयोग मजबूत करने दी वचनबद्धता फही पक्की कीती ऐ। देहरादून च होई दी भारत ते नेपाल दे सांझे कार्यसमूह दी 14 मीं बैठक च दौनें मुख्ये आपसी सैहयोग दे बक्ख-बक्ख मुद्दे दी समीक्षा कीती। दंऊ दिनें दी इस बैठका च बन्ने पार अपराध रोकने- बन्ने आले बुनियादी ढांचे- सिड़क ते रेल सम्पर्क मजबूत करने- गैर कनूनी कब्जे हटाने ते बन्ने दे रख-रखाऽ पर चर्चा होई। दौनें पक्खें बक्ख-बक्ख खेतरें च आपसी तालमेल ते समर्थ बधाने पर बी बचार सांझे कीते ते इ'नें मुद्दे पर अगगे बी गल्लबात जारी रखने पर सैहमति जताई।



## India-UK Bilateral Exchg

भारत ते बरतानिया नै सांझे सैन्य अभ्यास- सिखलाई ते कौशल बदाने दे जरिए दौने मुख्ये दी सेनाएं बश्कार सहयोग बदाने पर सहमति जताई ऐ। नमी दिल्ली च होई दी भारत- बरतानिय रक्षा परामर्श समूह दी 25मीं बैठक च दौनें मुख्ये रक्षा क्षेत्र च जारी सहयोग दी समीक्षा कीती। बैठक च रक्षा अनुसंधान ते विकास दे कन्नो-कन्नी 2035 तगर दी योजनाएं पर चर्चा होई। दौनें नेताएं हिंद-प्रशांत क्षेत्र च समुन्द्री सुरक्षा सहयोग बदाने पर बी ज़ोर दिता। दौनें पक्खें क्षेत्रीय शांति ते सुरक्षा पर सांझा विचार सांझा कीते ते आपसी सुरक्षा ते रणनीतिक खुदमुख्तेयारी प्रति अपनी वचनबद्धता दोहराई।

उ'नें आखेआ जे भारत- बरतानिया दी रणनीतिक सांझेदारी- शांति- अस्थिरता- आज़ादी ते आपसी सम्मान दे सांझा मुल्लें पर आधारित ऐ।

<><><><><><>

### Govt. Sugar

सरकारै आखेआ ऐ जे देशै च खंडु दा सुद्धा भंडारण मजूद ऐ ते घरेलू ज़रूरतें गी पूरा करने लेई खंड दी कोई कमी नैई ऐ। उपभोक्ता मामलें- खाद्य ते सार्वजनिक बंड आले मंत्रालय ने दस्सेआ जे खंड दी कीमत पिच्छले किश हफ्तें च 48 रुपें शा बधियै तकरीबन 55 रपे किलो होई गेई ऐ ते सरकार- कीमतें पर लगातार तक्क रक्खा करदा ऐ। मंत्रालय ने आखेआ जे खंड दी कीमत बधने दी वजह इथेनाल दे उत्पादन लेई खंडु दा इस्तेमाल नैई ऐ। एदे बजाय घट्ट उत्पादन- त्योहारें शा पैहले बधी दी मंग- खराब मौसम करी गन्ने दी फसल गी नुक्सान ते किश कारोबारिएं आसेआ जमाखोरी ज्नेही कैई वजहां न। इस बरे खंडु दा उत्पादन तकरीबन 306 लक्ख टन रौहने दा अंदाजा ऐ जिसले के पैहले 343 लक्ख टन दा अंदाजा जताया गेआ हा। कीमतें पर काबू पाने लेई सरकारै खंडु दे कारोबारियें पर 400 टन दे भंडारण दी हद्द तय करी दिती ऐ ते एह पैहली अगस्त थमां 30 नवम्बर तगर लागू रौहग।

<><><><><><>

### Brics Tourism

भारत दी अध्यक्षता च जयपुर च होई दी ब्रिक्स सैलसफा मंत्रिएं दी बैठक कल जयपुर घोशषा पत्र गी सब्बनें दी सहमति कन्नै मंजूरी देने कन्नै सम्पन्न होई। जयपुर घोषणा-पत्र च ब्रिक्स मुख्यें बश्कार AI चपासम स्हाबै ते अनुकूल सैलसफा - कौशल विकास ते अरामदायक यात्रा जनेह क्षेत्रें पर जोर दिता गेआ। बैठक दी अध्यक्षता केन्द्रीय संस्कृति सैलसफा मंत्री गजेन्द्र सिंह शेखावत होरें कीती। उ'नें आखेआ जे 2047 तगर विकसित भारत दे लक्ष्य च सैलसफा दी महत्वपूर्ण भूमिका होग। सैलसफा कन्नै शैहरे दे कन्नो-कन्नी लौहके कस्बे- ग्राएं ते दूर-दराज दे इलाकें च बी रोजगार ते विकास दे मौके बदी सकदे न। शेखावत होरें आखेआ जे पिच्छले 10 बरे च भारत औने आहले सैलानियें दी गिनतरी 3 गुणा तगर बदी ऐ।

<><><><><><>

## India Brics Youth

भारत दी मेजबानी च आंध्र प्रदेश दे विशाखापट्टनम च ब्रिक्स युवा मंत्रिणं ते खेड्ढ मंत्रिणं दी बैठक अज्जै सोयां शुरु होग। ब्रिक्स युवा कार्य मंत्रिणं दी बैठक अज्ज होग- जिसले के ब्रिक्स खेड्ढ मंत्रिणं दी बैठक कल आयोजित कीती जाग। बैठके दी अध्यक्षता युवा मामले ते खेड्ढ मंत्री डाक्टर मनसुख मांडविया करडन। राज्य मंत्री रक्षा खडसे बी एदे च शामिल होडन।

<><><><><><>

## Bangladesh –Prez

बांग्लादेश नेशनलिस्ट पार्टी दे वरिष्ठ नेता मिर्जा फखरुल इस्लाम आलमगीर ने ढाका दे बंगभवन च बांग्लादेश दे 23में राष्ट्रपति दे तौर पर संगंध चुक्की। संसद दे उप-अध्यक्ष कैसर कमाल होरें उनें'गी ओहदे दी संगंध चुकाई। आलमगीर जंदे वीरवारें होए दे राष्ट्रपति चुनांस च 255 वोट हासल करियै इस ओहदे लेई चुने गे। उनें विपक्षा गठबंधन दे मेदवार ओली अहमद गी हराया- जिनें'गी कुल 88 वोट हासल होए। एह चुनांs खास रेहा कीजे 35एं बरे च पैहली बारी बांग्लादेश दे राष्ट्रपति चुनांस च इक शा मते मेदवार मैदान च हे। एह चुनां साबका राष्ट्रपति मोहम्मद शहाबुद्दीन हुंदे इस्तीफे दे बाद होआ। उनें पिछले महीने सेहत सरबन्धी हालात दा हवाला दिंदे होई एह ओहदा छोड़ी दिता हा।

<><><><><><>

## त BWF

BWF विश्व बैडमिंटन चैम्पियनशिप दे महिला डबल्स दे सैमीफाइनल च अज्ज भारत दी त्रिषा जॉली ते गायत्री गोपीचंद दी जोड़ी दा सामना चीन दी अक्वल नम्बरै दी जोड़ी लियू शेंग शू ते टैन निंग कन्नै होग। क्वार्टर फाइनल च कल त्रिषा ते गायत्री दी जोड़ी ने चीन दी जिया शी फैन ते झांग शू शियान दी जोड़ी गी 16-21/21-15/21-13 कन्नै हराया। इस जित कन्नै भारत ने इक तगमा पक्का करी गै लैता ऐ। तोंआई मर्दे दे डबल्स च क्वार्टर फाइनल मुकाबले च सात्विक साईराज- रंकी रेड्डी ते चिराग शेटी- चीन दे लियांग वेई केंग ते वांग चांग थमां हारियै टूर्नामेंट शा बाहर होई गे न।

<><><><><><>

## Hockey World Cup

अमस्टलफेन च FIH मर्दे दी हॉकी विश्व कप दे दुए गेड़ च अज्ज भारत दा सामना मेजबान नीदरलैंड कन्नै होग। मैच भारतीय समें मूजब संज्ञा साइडे 7 बजे शुरु होग। पाकिस्तान पर 5-3 दा शानदार जीत कन्नै भारत नै पूल-डी च दुई थाहर हासल कीती। भारत हून पूल-ई च इंग्लैंड ते पूल-ए च शीर्ष 2 टीमें कन्नै शामिल होग। पूल-ई दी शीर्ष 2 टीमां सेमीफाइनल आस्तै क्वालीफाई करडन। दुए गेड़ च भारत बिजन कुसे अंक दे पुज्जा ऐ- जिसले इंग्लैंड दे दुए गेड़ च 2 अंक न।

<><><><><><>

## IMD

मौसम विभाग नै पूर्वी मध्य प्रदेश च अज्ज मौलाधार बरखा पौने दी शेंका जाहिर कीती। असम- सिक्किम- मेघालय- नागालैंड- मणिपुर- मिजोरम ते त्रिपुरा सनें मुख्य दे होरनें हिस्सें च बी कल तेज बरखा दी संभावना ऐ। दिल्ली- पंजाब- हरियाणा- चंडीगढ़- बिहार- छत्तीसगढ़- पूर्वी उत्तर प्रदेश- हिमाचल प्रदेश- जम्मू कश्मीर- लद्दाख उड़ीसा- पश्चिम बंगाल दे तराई आले क्षेत्र- उत्तराखंड ते पश्चिम मध्य प्रदेश च बी इस्सै चाली दा माहौल रौहने दी संभावना ऐ। इस दौरान राश्ट्रीय राजधानी क्षेत्र दिल्ली दे किश इलाकें च अज्ज बड़लै बरखा होई। विभाग नै अज्ज राश्ट्रीय राजधानी च आमतौर पर बदल छाए रौहने दी संभावना जताई ऐ।

<><><><><><>

## Russia Drone

यूक्रेन च कल इक शॉपिंग सेंटर पर रुस दे ड्रोन हमले च 16 लोकें दी मौत होई गई ते 130 शा मते जख्मी होई गे। जखिमर्ये च 22 बच्चें शामिल न।

5 बच्चें सनें 29 लोके दी हालत गंभीर ऐ। यूक्रेन दे राष्ट्रपत वोलोदिमिर ज़ेलेस्की होरें इस हमले दी सख्त निंदेया कीती ऐ। यूरोपी संघ दी बदेश नीति प्रमुख काजा कल्लास होरें बी इस हमले दी सख्त निंदेआ कीती ऐ। उ'नें आखेआ ऐ जे अगले महीने आयरलैंड च मंत्रिण दी बैठक च युद्ध दी शुरुआत दे बाद थमां रुस पर यूरोपी संघ दे सब्बनें शा सख्त प्रतिबंध लाने लेई दबाs पाया जाहग। एदे शा पैहले कीव पर रुस दे इक बड़े हमले च 16 लोक मारे गे हे। यूक्रेन दे अधिकारिण दस्सेआ जे रात भर 135 रुसी ड्रोनें चा 107 गी मारी सुट्टेआ गेआ। यूक्रेन ने बी रुस पर ड्रोन हमले कीते न।

<><><><><><><>